

SAKSPAPIR

Saksnr	Utval	Type	Dato
015/21	Valstyret	PS	05.05.2021

Saksbehandlar	ArkivsakID
Bente Skjerping	21/54

Stortings- og sametingsvalet 2021 - utlegging av manntal, tidlegrøysting, førehandsrøysting og heimerøysting

Rådmannen sitt framlegg til vedtak:

«1. Ved valet 2021 vert manntalet lagt ut til offentleg ettersyn på desse stadene:

Valestrand krins:	Coop Extra Valestrandsfossen
Hauge krins:	Coop Extra Valestrandsfossen Extra Lonevåg
Lonevåg krins:	Extra Lonevåg
Fotlandsvåg krins:	Joker Fotlandsvåg
Haus krins:	Kiwi Haus
Bruvik krins:	Nærbutikken Bruvik
Hovudmanntalet (heile kommunen):	Osterøy rådhus, servicekontoret

2. Førehandsrøystinga til stortings- og sametingsvalet vert halde i Osterøy rådhus, i vestibylen 2. etasje, måndag – torsdag kl. 08.00 – kl. 16.30. Fredag kl. 08.00 – kl. 15.00. Torsdag 09.09.21 vert opningstida utvida til kl. 19.00. I tillegg vert det halde ope for røysting laurdag 04.09.21, kl. 10.00 – kl. 15.00.

3. Tidlegrøysting til valet, frå 01.07 – 09.08.21 vert halde i Osterøy rådhus, vestibylen i 2. etasje, innanfor ordinær opningstid.

4. Det vert halde førehandsrøysting etter avtale på institusjonen Osterøytunet. I tillegg vert det

halde førehandsrøysting ved omsorgs-/eldrebustadene på Valestrand, Lonevåg, Hosanger, Fotlandsvåg og Haus og på Osterøy vidaregåande skule.”

Valstyret - 015/21

VS - behandling:

AVRØYSTING

Rådmannen sitt framlegg vart samrøystes vedteke.

VS - vedtak:

«1. Ved valet 2021 vert manntalet lagt ut til offentleg ettersyn på desse stadene:

Valestrand krins:	Coop Extra Valestrandsfossen
Hauge krins:	Coop Extra Valestrandsfossen Extra Lonevåg
Lonevåg krins:	Extra Lonevåg
Fotlandsvåg krins:	Joker Fotlandsvåg
Haus krins:	Kiwi Haus
Bruvik krins:	Nærbutikken Bruvik
Hovudmanntalet (heile kommunen):	Osterøy rådhus, servicekontoret

2. Førehandsrøystinga til stortings- og sametingsvalet vert halde i Osterøy rådhus, i vestibylen 2. etasje, måndag – torsdag kl. 08.00 – kl. 16.30. Fredag kl. 08.00 – kl. 15.00. Torsdag 09.09.21 vert opningstida utvida til kl. 19.00. I tillegg vert det halde ope for røysting laurdag 04.09.21, kl. 10.00 – kl. 15.00.

3. Tidlegrøysting til valet, frå 01.07 – 09.08.21 vert halde i Osterøy rådhus, vestibylen i 2. etasje, innanfor ordinær opningstid.

4. Det vert halde førehandsrøysting etter avtale på institusjonen Osterøytunet. I tillegg vert det halde førehandsrøysting ved omsorgs-/eldrebustadene på Valestrand, Lonevåg, Hosanger, Fotlandsvåg og Haus og på Osterøy vidaregåande skule.”

Saksopplysningar:

Saksopplysningar:

Bakgrunn

I samband med stortings- og sametingsvalet i september må valstyret ta stilling i spørsmål knytt til organisering og gjennomføring av valet. Dette gjeld m.a. utlegging av manntal, organisering av tidlegrøysting, ordinær førehandsrøysting og heimerøysting.

Utlegging av manntalet til offentlig ettersyn

Vallova § 2-6, pålegg valstyret å leggja manntalet ut til offentlig ettersyn så snart det ligg føre, og det skal liggja ute til og med valdagen. Utlegginga skal kunngjerast med informasjon om korleis ein går fram for å kreva eventuelle feil retta.

Manntalet vert produsert etter 30. juni og viser kven som har røysterett ved stortingsvalet, kva kommune du er manntalsført i og kva krins du høyrer til. Desse opplysningane vil også framgå av valkortet som ved dette valet vert sendt ut digitalt. På valdagen kan du berre røysta i den kommunen du er manntalsført.

Tidlegare praksis har vore å leggja hovudmanntalet til ettersyn i servicekontoret i rådhuset, og krinsmanntala har vore lagde ut på butikken på Bruvik, i Haus, Valestrand, Lonevåg, Fotlandsvåg og Tysse.

Tidlegrøysting frå 01. juli

Ved tidlegare val har det vore mottak for tidlegrøyster i Osterøy rådhus. Omfanget av tidlegrøysting har ikkje vore stort, og mottak i rådhuset har fungert greitt og ein rår til å halda fram med denne organiseringa. Tidlegrøysting er meint som eit tilbod til veljarar som ikkje har høve til å røysta korkje ved den ordinære førehandsrøystinga eller på valdagen. Tidlegrøysting pågår fram til ordinær førehandsrøysting startar 10. august.

Førehandsrøysting

Valstyret har ansvar for gjennomføring av førehandsrøystinga ved stortings- og sametingsvalet, og avgjer kvar førehandsrøystinga skal foregå og kva opningstider ein skal ha.

Førehandsrøystinga startar tysdag 10. august og varer til fredag 10. september, og ved tidlegare val har denne vore lagt til rådhuset av praktiske omsyn. Bygget er lett tilgjengeleg med god parkering og lokala er lyse og har bra storleik. Lokalet har internett tilgjengeleg og det er tilgang til datasystem for utskrifta av valkort m.v. I tillegg nyttar ein personalet i bygget til å ta i mot førehandsrøystene så langt det er råd. I periodar med stor pågang må ein i tillegg leiga inn personell til førehandsrøystinga i rådhuset, samt til å ta imot røyster på institusjonar og heime hos folk.

Ved valet til hausten er det fortsatt usikkert korleis koronasituasjonen vil vera, og ein må difor ta atterhald om smittevernsomsyn kan medføre auka behov for personell, samtidig som smitteutbrot og mange i karantene kan gjera det enda meir utfordrande å få tak i personell.

Fleire og fleire førehandsrøyster ved val, og særleg ved stortingsval har det vore mange som førehandsrøyster. Ved valet i 2017 hadde ein over 1400 førehandsrøyster og ved lokalvalet i 2019 var det over 1600, medan det i 2015 var godt under 800. Ein må rekna med at denne utviklinga held fram og at kapasiteten på mottak av førehandsrøystar må aukast.

Førehandsrøysting på helse- og sosialinstitusjonar og andre stader

Ved tidlegare val har ein hatt førehandsrøysting på følgjande instisjonar/stader:

Osterøytunet, omsorgs- og eldrebustadene Valestrand, Lonevåg, Hosanger, Fotlandsvåg og Haus og på Osterøy vidaregåande skule.

Ved førehandsrøysting på institusjon og ved ambulerande røysting (heimerøysting) skal det vera minst to røystemottakarar til stades.

Veljarar som grunna sjukdom eller uførleik ikkje kan røysta på vanleg måte, kan etter søknad til valstyret få førehandsrøysta der dei oppheld seg. Ved stortingsvalet 2021 er fristen for å søkja om heimerøysting fastsett til kl. 10.00 fredag før valdagen, jfr. vallova § 8-3 b.

Fristen skal kunngjerast.

Same frist gjeld og for veljarar i karantene grunna Covid-19.

Veljarar som er i isolasjon grunna Covid-19 kan etter søknad få røysta der dei oppheld seg, jfr. ny § 9-6 a. Søknad skal vera komen inn til kommunen innan kl. 10 på valdagen. Søknadsfristen skal kunngjerast. Desse røystene kan mottakast laurdag og søndag før valdagen og på valdagen

Vurdering

Hovudmanntal og krinsmanntal vert lagt ut til offentleg ettersyn i samsvar med tidlegare praksis.

Tidlegrøysting og ordinær førehandsrøysting vert lagt til rådhuset slik at ei mest mogeleg kan nytta fast personell til mottaket. Grunna situasjonen med Covid-19 og mogleg auka pågang for førehandsrøysting, er det foreslått lengre opningstider ved dette valet slik at ein så langt råd er kan unngå kø og dermed lettare ivareta smittevernsyn.

Førehandsrøysting på institusjon og omsorgs-/eldrebustader vert gjennomført som ved tidlegare val.

Det må leggjast til rette for førehands- og valtingsrøysting grunna Covid-19 for veljarar i karantene eller isolasjon.

Folkehelse	-	ikkje vurdert i saka
Miljø	-	ikkje vurdert i saka
Økonomi	-	ikkje vurdert i saka

Konklusjon

Saka vert lagt fram for valstyret til behandling og vedtak.